



Sakspapir

Saksbehandler	Arkiv	ArkivsakID
Øyvind Tolleshaug	FA - L13	18/46

Saksnr	Utvalg	Type	Dato
008/18	Formannskapet	PS	06.02.2018

Orientering om planprogram for detaljreguleringsplan for mottak, mellomlagring og eksportanlegg for CO₂.

29/1-18 : Revidert planprogram motteke 19/1-18, erstatta det første planprogrammet.mptteke 17/1-18

Vedlegg:

Reguleringsplan CO₂-røyr. Referat frå oppstartmøte.

Planområde

Planområde Fedje

Planområde Øygarden nord

Planområde Kollsnesområdet

Planprogram for Detaljreguleringsplan for mottak mellomlagring og eksportanlegg for CO₂ - 20180119 (40450)

Saksutgreiing:

Gassnova SF (Gassnova) er statens føretak for CO₂-handtering, og har det overordna ansvaret for å realisere regjeringa si ambisjon om eit fullskala demonstrasjonsanlegg for CO₂-fangst og lagring. Statoil ASA v/Northern Lights project (Statoil) har fått i oppdrag av Gassnova å utgreie moglege lokasjonar for eit landanlegg for mottak, mellomlagring og vidare transport av CO₂ til permanent lagring forebels antatt 1000-2000 meter under havbotnen på kontinentalsokkelen.

Den 9. november 2017 vart det bestemt at det skal etablerast mottaksanlegg for CO₂ i Naturgassparken i Øygarden kommune under føresetnad av at Stortinget seinare godkjenner finansiering av plan for utbygging og drift (PUD) og plan for anlegg og drift (PAD) for lageranlegget. Det skal fangast CO₂ frå industrianlegg på austlandet, som skal transporterast med skip til mottaksanlegg i Naturgassparken. Her vil CO₂ bli pumpa over frå skip til tankar på land, før den blir sendt i rør og injisert og permanent lagra førebels antatt 1000-2000meter under havbotnen i Smeaheia området.

Det er fleire alternativ når det gjeld røyrtrase. Om lag halvparten av alternativa kjem innom sjøarealet til Fedje kommune.

Planprogram ligg føre. Dette skal ut til offentleg ettersyn i samsvar med § 4-1 i plan- og bygningslova. Det er forslagsstiller som legg planprogrammet ut på høyring. Forslagsstiller er Statoil ASA v/Northern Lights prosjektet.

Etter høyringa, skal kommunen gjera vedtak om planprogram. Dette er delegert til formannskapet.

I planprogrammet (side 6) er det ein tidsplan. Etter denne skal planprogrammet vera klart



Fedje kommune

for vedtak i mai 2017.

Det går fleire røyr over sjøarealet til Fedje kommune. Det har aldri vore laga reguleringsplan for desse. Plan- og bygingslova gjeld ikkje for røyrleidningar i sjø dersom dei transporterer petroleum. Unntaket gjeld ikkje dersom dei transporterer CO2. Dette er årsaka til at det vert laga reguleringsplan no.

Formannskapet tek planprogrammet til orientering

Forslag til vedtak:

Formannskapet tek planprogrammet til orientering

Formannskapet - 008/18

F - behandling:

F - vedtak:

Formannskapet tek planprogrammet til orientering. Samrøystes vedteke.